

四庫全書

集部

欽定四庫全書

集部  
莊靖集卷六

詳校官中書<sub>臣</sub>沈颺

主事<sub>臣</sub>呂雲棟覆勘

覆校官中書<sub>臣</sub>汪師曾

校對官原任典簿<sub>臣</sub>郭祚熾

謄錄監生<sub>臣</sub>趙由青

欽定四庫全書

莊靖集卷六

金 李俊民 撰

七言絕句

襄陽 闕

南峴山 闕

中峴山 闕

萬山 闕

江漢 闕

古隄

年平地溢四丈五尺魏太守胡烈補缺隄以利民至唐盧鈞為山南節度因烈之舊而增培之俗謂附城北者為金鎖隄南曰白銅隄一決江源水自東長隄隱隱卧如虹不因傳得襄陽操人世何由見禹功

注張參議詩未雨還須徹桑土白沙湖上水湯湯元祐二年邢恕守襄詔以漢有決溢之患其畫經制久

遠之策公來訪被水之地得之東南隅當漢水之衝  
土雜白沙水至輒陷民號白沙湖隄之內其勢平一  
決則兩城相望三十里渚為汙澤近郊之民趨西山  
甚至登木杪

白沙湖

聞道沙隄水陷時茫茫無處覓完隄當時禹跡依然在  
以壑為隣笑白圭

戍邏壑田

羊公鎮襄陽吳人罷守石城戍邏減半分以  
墾田八百餘頃公之始至無百日之糧及季  
年有十年之積

屯徹南陽井井田劒牛刀犢兩功全石城驚落吳兒膽  
野宿貔貅萬竈烟

樊城

在襄陽北漢江之湄張參議昔年山甫興周  
地想見曹仁霸魏功昔仲山甫封於樊城曹

公使曹仁守樊關侯攻之不能破

暫來朱序秦還守初入曹仁漢復攻顛倒江山今幾主  
樊侯依舊襲周封

漢高廟

在襄陽縣西南鍾山

垓下未聞歌散楚澤中已見哭亡秦乾坤到底歸真主  
愁殺鴻門碎斗人

光武廟

在襄陽東四十五里光武南陽棗陽人今棗  
陽縣是也舂陵在棗陽東望氣者蘇伯阿至  
南陽遙見舂陵曰氣佳哉鬱鬱葱葱光武始  
起兵還舂陵望舍南火光燭天今棗縣在襄  
陽東界六十里

海內英雄待一呼雲龍際會入東都季龍不識真人事  
徼倖中原欲並驅

楚昭王廟



在宜城東北唐韓愈作宜城記言之甚詳愈  
又有昭王廟詩丘墳滿目衣冠盡城闕連雲  
草樹荒猶有國人懷舊德一間茅屋祀昭王  
一間茅屋暗塵埃香火淒涼幾奠杯故國到今如傳舍  
後人復使後人哀

宋玉宅

在宜城縣

離騷經裏見文章水綠山青是楚鄉往事一場巫峽夢

秋風搖落在東牆

保漢公廟

在襄陽子城南世傳紀信忠義祠今為州之

城隍

將將提兵氣自揚一朝翻為沐猴忙得從虎口抽身去  
不必雷霆怒假王

鄮城

蕭何初封在谷城縣西漢功臣表高祖六年

十二月甲申封曹參以正月甲午封張良最  
後封蕭何

誰是興劉第一功我侯只合最先封當時獵犬猶爭甚  
得鹿權都在指蹤

### 三顧門

世傳襄陽水西門為三顧門先主自此三往  
見武侯張參議水西門外公來處

將軍命駕出門西想見門從向日題山下卧龍誰說破

賞音元直在檀溪

注徐庶宅在檀溪之陽檀溪在襄陽西四里

隆中

諸葛亮宅在襄陽縣西二十里

一朝師出震關東料敵曹吳幾日功未畢將軍天下計  
乾坤容易老英雄

關將軍廟

在襄陽南九里鳳林關

鼎足相吞勢未分誰能傾蓋得將軍曹吳不是中原手  
天下英雄有使君

鹿門山

有龐德公宅在襄陽東南三十二里杜贈別  
鄭鍊赴襄陽為於耆舊內試覓姓龐人

百年巢穴子孫安十日長聞九日閑說破姓名人不識  
鹿門山是德公山

注杜詩昔者龐德公未曾入州府襄陽耆舊間處士節

獨苦

龐士元宅

在襄陽

鷹自養來飢肯去龍從卧後顧須頻到頭驥足非難展  
祇在當時駕馭人

徐庶宅

在檀溪之陽習鑿齒與謝安書云游目檀溪  
念崔徐之交

誰知方寸去留初盡把功名付葛廬舉目檀溪人不見  
空傳谷隱念交書

注先主率其衆南行諸葛亮徐庶並從曹公追獲庶  
母庶辭先主曰方寸亂矣請從此別

劉表祠

祠前有墓在府城東門內

天運端能卧可收江山形勢數荊州當時若聽韓嵩策  
那得曹瞞享士牛

注曹操與袁紹相持於官渡韓嵩說表起乘其弊不  
然則以州附曹公今曹公先舉袁紹然後稱兵以向  
江漢將軍必不能禦表不從操征表表病死表之子  
琮竟以荊州降

谷隱山

衮斧留心漢晉間豈期谷隱避名難一人有半隨秦去  
不得相離釋道安

注是時桓溫覬覦非望習鑿齒著漢晉春秋以裁正



之後以脚疾廢於里巷襄陽陷於苻堅堅素聞其名  
與道安堅俱興而致焉與諸鎮書昔晉平吳得二陸  
今獲士才一人有半耳俄以疾歸襄陽

龐公祠

唐龐蘊也祠在鹿門山本自衡山得馬大師  
法來隱張參議家池龍種去無蹤珍重龐公  
似德公龐德公宅在鹿門山

踏破衡山急急回鳳林盡是漉籬材大家了得無生著

傾出團圞話裏來

注張參議擺盡世緣空所有誰知佛法異還同丹霞  
不用傳心印靈照端能繼父風

鳳林

孟浩然故居在襄陽縣南十里

天寶詩人去却回果曾北闕上書來若為耆舊無新語  
明主何曾棄不才

注張參議有朝宗強欲相牽率豈識先生玩世心

斬蛟渚

晉鄧遐為太守襄陽城北沔水中有蛟常為人害遐拔劍入水斬之而去

久憤汗干投水俗近憂泉室泣珠人到頭不是池中物  
血濺驚波劍有神

夫人城

在今襄陽西北一里苻丕之攻朱序也其母  
韓深識兵勢自登城履行謂西北角當先受

弊遂領百餘婢并城中女丁於其角斜築城  
二十餘丈寇力攻西北角果挫衄而退襄陽  
號曰夫人城

見說韓門素識兵故知西北勢先傾未應有子如豚犬  
何在夫人自築城

注張參議五申下令吳姬肅三遂無譁魯築城

誠虎碑

宋傅僎字子成為襄陽令有善政縣多虎僎

常追虎入城誠勵虎去不復為害邑人為立碑

未除不必煩周處欲刺何須待卞莊入市如羊聽命去至今無害到襄陽

注張參議應無白額煩周處解使於菟字子文

杜甫故里

杜易簡預之遠裔有從弟曰審言生子閑閑生甫世居襄陽甫徙家鞏縣

不知故隱幾時離天寶年間處處詩過客不須尋世譜  
萬山山下看沈碑

按杜詩吾家碑不昧王氏井依然注杜預沈碑峴山  
之下

尹氏一門四闕

在襄陽縣東南三里唐尹怱有父曰嗣宗居  
喪逾禮貞觀中旌表怱年十三竭力就養父  
卒負土成墳紫芝產墓側天子下詔稱揚龍

朔中刺史改其閭曰南陔里子慕先孫仁恕  
皆著孝行萬歲通天中繼被寵褒一門四闕  
張東之張九齡為之記贊歐陽文忠公集古  
錄言之甚詳

萱堂猶是忘憂地烏屋相傳反哺恩一段家風誰出自  
千年鼻祖守關門

注東坡尹可元詩千年鼻祖守關門

武安君廟

祠白起在南漳縣

歸去咸陽是老頭如何此地肯重游分明祀典無交涉  
只合英靈在杜郵

修禊亭

在峴山半王子年拾遺記云江漢之人思周  
昭王至春上巳祓禊集王祠下如屈原故事  
相喚相呼上巳游國人無日不思周近來烽火遭三月  
那得闌杯逐水流



漢陰臺

在宜城西三十步莊子子貢過漢陰見一丈人方將為圃鑿隧而入井抱甕而出灌用力甚多而見功寡子貢曰有械於此夫子不欲乎鑿木為機後重前輕挈水若抽其名為槩為圃者笑曰有機械者必有機事有機事者必有機心機心存於胸中則純白不備神生不定吾非不知羞而不為也

怪來賜也多言甚笑倒忘機老漢陰巧拙大都歸一溉  
寧教勞力莫勞心

善謔驛

在宜城縣驛前有淳于髡墓

皆因孟酒與豚蹄致使他鄉笑滑稽無限驛亭來往客  
獨言齊贅不歸齊

滄浪歌

屈原既放游于江潭漁父見之鼓枻而歌曰

滄浪之水清兮可以濯我纓

江上揚揚一棹波衆中清濁笑懷沙不知歌後滄浪曲  
却入騷人屈宋衙

競渡

屈原以五月五日起汨羅土人追至洞庭湖  
大舟小莫得濟者乃歌曰何由得渡湖自此  
習以相傳為之戲

憔悴沉湘楚大夫魂招魚腹肯來無至今江上漁歌在

尚問何由得渡湖

抱玉巖

在南漳縣卞和得玉於此以進楚王王以為  
詐刖其足乃抱璞泣於荆山

特特來從抵鵲山一心都在獻芹間非關楚國真難辨  
舉世人皆厭等閑

習家池

即高陽池也在峴山南百步水經云沔水東

入襄陽習郁池內郁依范蠡養魚法作大陂  
列植竹木游燕之名處也

日日山公載酒過醒時常少醉時多兒童拍手闌街笑  
驚破滄浪一曲歌

的顱溪

本名檀溪在襄陽西四里劉表因會取劉備  
備潛遁所乘馬名的顱走墮檀溪中備急曰  
的顱可努力的顱一踊三丈渡中流而追者

至

得雨蛟龍未易圖枉勞木禺用機謨死生畢竟誰堪託  
今日纔方見的顧

按東漢劉表本傳云表欲卧收天運其猶木禺之於  
人也注云如刻木為人無所知也前書有木禺龍音  
義云禺寄也寄形於木元具反張參議云垓下衆傾  
駢不逝合肥橋徹騎能飛孫權征合肥為張遼所襲  
權乘駿馬上津橋橋已徹板着鞭超渡至今合肥名

曰飛騎橋

作樂山

酈道元注云昔諸葛亮好為梁父吟每所登  
游俗以作樂山名之今在襄陽西北二十里  
悠悠曾不倦登臨眼底何人為賞音白雪一歌猶掩耳  
安知梁父是龍吟

冠蓋里

漢靈帝時宜城太山廟有四郡守七都尉二

卿五侍中一黃門侍郎三尚書六刺史朱軒  
高蓋同日會於山下荊州刺史劉表行部見  
之甚歡歎其豪盛乃題道口亭為冠蓋里刻

石銘之

道口亭前多貴游一時來往亦風流若能共畫安劉計  
豈獨英雄記裏收

呼鷹臺

在襄陽縣東七里高三丈表性好鷹常登此



臺歌野鷹來曲臺之側有司馬徽龐統二宅  
英豪並起望人才底事將軍謾築臺倘使曹公肉能飽  
如何喚得野鷹來

注曹公曰養士如養鷹飢即為人用飽則揚去

仲宣井

在萬山王仲宣故宅郭帥果移井欄於戎司  
其後破碎埋沒李帥奕收拾補甃置之便坐  
側稽考古今歲月為之記

試看汲古幾何深猶有餘波慰渴心誰把石欄移便坐  
並鄰又得一繁欽

按者舊傳王粲與繁欽並鄰同井杜甫詩云應同王  
粲宅留井峴山前張云繁欽有識還歆羨

茲樓

王粲樓按襄陽雜詠題曰茲樓蓋取粲登樓  
賦所謂登茲樓以四望兮襄陽志亦因之而  
樓不存

見說襄陽有古風可憐耆舊老無功當年漢主龍興地  
盡在登樓四望中

墮淚碑

在南峴山上

憤深藉館年年祭痛切夷陵歲歲祠不見征南遺愛地  
至今淚墮峴山碑

注伍員破楚鞭尸藉館郢中立廟今自湖北至淮西  
故楚之地處處有祠白起伐楚燒先王墓夷陵宜城

有白起堰灌城中死者流東陂臭聞遠近號曰臭陂  
沈碑

在萬山下杜元凱刻石為二碑紀其勲績一  
沈萬山之下一立峴山之上

中原人物老書生塞破乾坤萬古名俗子不知碑尚在  
一朝南渡愧荒飭

晉栢

在南峴山上即晉人所植下有小石題刻柯

榦如鐵

亭亭霜榦上參天色黛皮蒼老更堅當日不知誰手植  
到今人與樹千年

文選樓

在子城南門按祥符圖經云梁昭明太子於  
此樓撰文選聚才人賢士劉孝威等一十餘  
人資給豐厚日設珍饌諸才子號曰高齊學  
士又云世傳文選成樓下所棄書與樓齊

朝朝暮暮蠹書魚選盡人間得意書常恐不能精此理  
祗緣老杜近樓居

注杜詩熟精文選理又眼前文字積如山想見中間  
筆削難一自登樓開卷後滿天依舊斗星寒

解佩渚

在襄陽西十里北臨沔水有曲隄按郡國志  
鄭交甫至漢皋臺下遇二女佩二大珠交甫  
求之二女解佩行數里二女及珠俱失

相遇江臯事頗奇，一雙佩解去還遺。  
未能南國無游女，詠取周人漢廣詩。

弄珠灘

楚俗以嬉游為事，襄沔記歲以正月二十一日二十二日，謂之天地穿日，移市於城北津。弄珠灘按南都賦云：游女弄珠於漢臯之曲。江沙一日蚌胎虛游，女爭誇掌上珠，美化不將風俗禁。他年恐作媚川都。

注襄陽志云楚女於弄珠灘尋水竅石穿簪於釵上  
帶歸又云楚俗三月游南山諸寺移市於山壽寺四  
月八日罷游謂之辭山

金沙泉

在宜城縣東一里造酒絕美世謂宜城春又  
云竹葉杯

何處山泉味最佳從來獨說有金沙楚人遍地宜城酒  
莫著濁澠誑易牙



涌月亭

在南峴山

徘徊亭下晚相宜  
月與高人本有期  
不比尋常三五夜  
十分圓後是來時

七言絕句集古

南游

一片歸心白羽輕

高蟾

一場春夢不分明

張泌

東風二月淮陰郡

劉商

總是關山離別情

王昌齡

自遣

南路蹉跎客未回

樊晃

山桃野杏兩三栽

雍陶

逢春漸覺飄蓬苦

才調集

更向花前把一杯

嚴憚

雨後出郊

柳塘煙起日西斜

鮑溶

馬踏春泥半是花

竇鞏

何處最傷游客思

武元衡

綠陰相間兩三家

司空圖

寒食

閑身行止屬年華

薛能

故國春歸未有涯

司空圖

一樹梨花一溪月

才調集

不知牆外是誰家

郎士元

寒食席次

鞦韆打困解羅裙

韓偓

把酒相看日又曛

韋莊

處士不知巫峽夢

蓮花妓

春來猶見伴行雲

韋氏子

郭外

寒食悲看郭外春

雲表

數聲鴉噪日將曛

潘閔

山中舊宅無人住

戴叔倫

一樹繁花傍古墳

盧綸

小桃

桃花依舊笑春風

崔護

悵望無人此醉同

趙嘏

應是夢中飛作蝶

呂溫

樹頭樹底覓殘紅

王建

看花

兩岸山花似雪開

劉禹錫

開時莫放豔陽回

李商隱

明朝攜酒猶堪賞

李涉

雨漲春流隔往來

劉商

感花

無人不道看花回

劉禹錫

猶憶紅螺一兩杯

陸龜蒙

曾是管絃同醉伴

趙嘏

來時歡笑去時哀

韋冰

惜花

花樹流鶯日過遲

武元衡

少年爭惜最紅枝

崔塗

何人盡得天生態

薛能

為報東風且莫吹

李涉

又

繡軀香鞦夜不歸

崔塗

看花只恐看來遲

韓偓

今朝幾許風吹落

楊巨源

多在青苔少在枝

崔櫓

暮春

一年春色負歸期

韓偓

綠葉成陰子滿枝

杜牧

公子王孫莫來好

韓琬

如今不似洛陽時

崔櫓

送春

可憐寥落送春心

高駢

負郭依山一徑深

李涉

燕子不歸花著雨

韓偓

小溪猶憶去年尋

山谷

又

二月已破三月來

杜子美

常嗟物候暗相催

樊晃

幾時心緒渾無事

李商隱

終日傳杯不放杯

山谷

遣興

讀徹閑書弄水回

趙嘏

綠楊移傍小庭栽

成文

閉門盡日無人到

韋莊

便有春光四面來

邵謁

下樓

繡簾珠戶未曾開

東坡

却向春風領恨回

李山甫

行到中庭數花朵

劉禹錫

遙聞語笑自空來

李端

招飲

當時朝士已無多

劉禹錫

故里心期柰別何

羊士諤

不用凭欄苦回首

杜牧

且來花裏聽笙歌

東坡

春感

歲歲無如老去何

劉長卿

東城南陌強經過

謝皎然

不知誰唱歸春曲

曹唐

斷得人腸不在多

王建

春怨

已恨東風不展眉

段成式

落花惆悵滿塵衣

趙渭南

與君試向江邊覓

東坡

贏得悽涼索漠歸

吳融

約同歸

故國煙花想已殘

盧弼

浮生各自繫悲歡

司空圖



青山一道同雲雨

王昌齡

步步相攜不覺難

劉禹錫

江村

夜添山雨作江聲

羊士諤

綠暗紅藏江上村

韋莊

何處人間似仙境

劉禹錫

寥寥一犬吠桃源

劉長卿

送客之江陵

獨上江樓思渺然

趙渭南

故人去後絕朱絃

山谷

西南一望和雲水

竇鞏

入郭登橋出郭舩

羅隱

贈別

蕭蕭落葉送殘秋

權德輿

樓上黃昏欲望休

李商隱

滿目暮雲風捲盡

陸龜蒙

亭亭孤月照行舟

孟嘉運

又

洞庭風軟荻花秋

鄭德璘

客散江亭雨未休

岑參

南去北來人自老

杜牧

此中離恨兩難收

魏野

又

誰家紅袖倚江樓

杜牧

白袷行人又遠游

陸龜蒙

今夜不知何處泊

權德輿

青山萬里一孤舟

劉長卿

秋懷

八月霜飛柳遍黃

盧弼

烏鳴山館客思鄉

薛逢

十年馬足知多少

雍陶

地角天涯不是長

張建封  
安

洛中

洛陽猶自有殘春

劉禹錫

水北原南草色新

張籍

山酒一卮歌一曲

許渾

不能回避看花塵

趙渭南

洛中感舊

千里江山一夢回

盧中

悔緣名利入塵埃

雍陶

年光到處皆堪賞

令狐楚

誰與愁眉唱一杯

山谷

席上

春風寂寞旆旌回

武元衡

兩度天涯地角來

雍陶

重到笙歌分散地

杜牧

與人頭上拂塵埃

李山甫

憶昔

憶昔爭游曲水濱

王駕

當軒下馬入錦茵

杜子美

如今不似時平日

王建

風起楊花愁殺人

李益

送客之荆南

千山紅樹萬山雲

韋莊

山鳥江楓得雨新

雍陶

我自飄零是羈旅

東坡

不堪仍送故鄉人

顧非熊

南征

兩行旌旆接揚州

李涉

烽火城西百尺樓

王昌齡

九姓如今盡臣妾

趙嘏

青天猶列舊旄頭

汪遵

老將

蓬根吹斷鴈南翔

盧弼

曉鼓鐘中兩鬢霜

趙嘏

獨倚關亭還把酒

杜牧

不堪秋氣入金瘡

盧綸

又

憐君一見一悲歌

劉長卿

破虜曾輕馬伏波

趙嘏

今日寶刀無殺氣

朱沖和

太平功業在山河

吳融

又

門前不改舊山河

趙渭南

淚落燈前一曲歌

李羣玉

更把玉鞭雲外指

韋莊

只緣君處受恩多

朱沖和

感征夫家

臂上彫弓百戰勲

王維

居延城外又移軍

令狐楚

不知萬里沙場苦

高駢

猶自笙歌徹曉聞

王建

### 從軍

萬里還鄉未到鄉

盧綸

受降城外月如霜

李益

誰家營裡吹羌笛

蓋嘉運

不是愁人也斷腸

戴叔倫

### 聞角

鐵馬孤裘出漢營

常建

瘴雲深處守孤城

劉禹錫

無端遇著傷心事

吳融

鳴軋江樓角一聲

杜牧

### 聞笛

山頭烽火水邊營

朱鵠

祇有牛羊與馬羣

蓋嘉運

羌笛何須怨楊柳

王之渙

怨教嗚咽夜長聞

趙嘏

漢女

大邊物色更無春

蓋嘉運

碧玉芳年事冠軍

楊巨源

人世死前惟有別

李商隱

陽臺去作不歸雲

趙渭南

有別

長對春風拂淚痕

才調集

殷紅馬上石榴裙

張諤

無端更唱關山曲

王表

哀怨教人不忍聞

蓋嘉運



怨別

書來未報幾時還

竇苹

終日昏昏醉夢間

李涉

別易會難長自歎

韓偓

不堪重過望夫山

真氏

寄遠

桃李年年上國新

李益

單于鼓角隔山聞

馬逢

一行書信千行淚

王駕

不是思君是恨君

武元衡

恨別

悽悽長是別離情

韋莊

冰簟銀牀夢不成

溫庭筠

昨夜秋風今夜雨

盧綸

篝燈愁泣到天明

韓偓

又

君問歸期未有期

李益

邇來中酒起常遲

韋莊

山長水遠無消息

李涉

指點庭花又過時

韓偓

感舊

流鶯驚起不成棲

陸龜蒙

入到繁華夢覺時

崔塗

人面只今何處在

崔護

魏公懷舊嫁文姬

舒元

又

碧欄干外繡簾垂

韓偓

曾識雲仙至小時

李涉

見我佯羞頻照影

李商隱

滿頭猶自插花枝

劉德

又

九陌初晴處處春

趙渭南

日高深院斷無人

李商隱

尊前花下長相見

劉夢得

宋玉東家是舊隣

王碩

代送別

隴上流泉隴下分

崔涯

自隨征鴈過寒雲

李涉

人生適意無南北

王介甫

莫向陽臺夢使君

戎昱

悼征婦

萬里行人尚未還

儲嗣宇

百年多在別離間

盧綸

當時驚覺高唐夢

李涉

為雨為雲過別山

李美玉

春夜

春風二月落花時

武元衡

憶得前年君寄詩

崔道

共道人家惆悵事

牛僧孺

向燈彎盡一雙眉

韓偓

睡起

萬轉千回懶下床

崔氏

不辭鶗鴂妬年芳

李商隱

酷憐一覺平明睡

羅隱

枕破施朱隔宿粧

薛能

無睡

江南江北望烟波

劉禹錫

顰黛低紅別怨多

李羣玉

盡日傷心人不見

許渾

卧來無睡欲如何

李商隱

謾書

已共紅塵跡漸疎

李九齡

畫簷愁見燕歸初

徐凝

無端有寄閑消息

杜牧之

腸斷蕭娘一紙書

崔氏

寄情

年光空感疾如流

吳商詰

同向春風各自愁

李商隱

有境牽懷人不曾

齊己

落花深處指高樓

權德輿

又

曾留宋玉舊衣裳

李羣玉

雲雨巫山枉斷腸

李太白

不為傍人羞不起

西廂崔

夜來新惹桂枝香

裴思謙

又

寂寥滿地落花紅

京兆女子

獨倚欄干花露中

趙嘏

征客未來音信斷

張泌

年年回首泣春風

王條

秋夜

擲却風光憶少年

顧況

多情信有短因緣

鮑生安

欲知此恨無窮處

羅虬

星落銀河月半天

趙象

有感

風輕簾幙燕爭飛

才調集

到處煙花恨別離

韋莊

倚柱尋思倍惆悵

張泌

映人勻却淚胭脂

韓偓

戲答

公子王孫逐後塵

崔郊

近來方解惜青春

鄭谷

春心不愜空歸去

滕傳嗣

長伴吹簫別有人

劉禹錫

戲遣

雨散雲收一餉間

真氏

不知何處入空山

盧綸

慙慙好取襄王意

戎昱

下蔡城危莫破顏

李商隱

又

枉破陽城十萬家

李商隱

門前初下七香車

王維

自緣今日人心別

鄭都官

隔坐剛拋豈蕊花

軍倅

偶見



莫愁還自有愁時

李商隱

眉斂春山知為誰

東坡

含淚向人羞不語

崔涯

芙蓉頭上綰青絲

李涉

又

滿身花影倩人扶

陸龜蒙

清潤潘郎玉不如

楊巨源

畢竟多情何處好

韋莊

庾樓明月墮雲初

趙渭南

又

雲髻朝來不欲梳

徐凝

娉娉嫋嫋十三餘

杜牧之

分明記得曾行處

方干

看遍花枝盡不如

趙嘏

聽歌

清歌空得隔花聞

楊巨源

寂寞堂前日又曛

趙嘏

共待夜深聽一曲

戴叔倫

女兒絃管弄參軍

薛能

寄懷

愁雲漠漠草離離

竇庠

去國還家一望時

韓琮

幾度相思不相見

武元衡

雪中梅下與誰期

李商隱

秋怨

且將團扇暫徘徊

王昌齡

淚滴閑堦長綠苔

鄭谷

春色似憐歌舞地

詞合

不論時節遣花開

東坡

悲故宮人

雲慘煙愁苑路斜

孟遲

宮鶯街出上陽花

雍陶

朱鉞滴盡無心語

張祐

生死深恩不到家

竇革

懷古

暮雲宮闕古今情

韓琮

芳草長含玉輦塵

韓偓

春意自知無主惜

崔櫓

落花猶似墮樓人

杜牧

舊游

山南山北雨濛濛

韋莊

十載長安似夢中

李涉

今日獨來張樂地

劉禹錫

故人墳樹五秋風

杜牧

關中

嶽北秋空渭北川

司空圖

一村桑柘一村煙

韓偓

行人莫訝頻回首

貫休

記得春深欲種田

薛能

過梅溪舊居

遠到音書轉寂寥

徐凝

青山隱隱水迢迢

杜牧之

村園門巷多相似

雍陶

花落梅溪雪未消

靈澈

登山陽郡樓

將軍一去泣空營

乾符童謠

槐柳蕭疎遶郡城

羊士諤

試上高樓望春色

李涉

落花流水嘆浮生

溫庭筠

王公樓上會飲

詩酒能消一半春

趙嘏

紫微才調復知兵

崔道融

黃河九曲今歸漢

薛逢

獨上高樓故國情

羊士諤

送客之南宮

蕭蕭風竹夜窓寒

武元衡

書劍催人暫別

杜巖

對酒已成千里客

盧綸

斷腸聲裡唱陽關

李商隱

答籌堂

一夕秋風白髮生

才調集

相思迢遞隔重城

李商隱

前歡往恨分明在

韓偓

贏得青樓薄倖名

杜牧

夜集

金鳳羅衣濕麝薰

韋莊

裝成掩泣欲行雲

戎昱

傍人未必知心事

劉卓

一曲狂歌酒百分

高駢

戲書

春風何處有佳期

武元衡

花滿西園月滿池

高駢

料得也應憐宋玉

李商隱

東隣牆短不曾窺

段成式

重九

事去人亡跡自留

劉長卿

白雲猶似漢時秋

岑參

如今暫寄尊前笑

劉禹錫

明日黃花蝶也愁

東坡

十日遣興

露葉如啼欲恨誰

劉禹錫

曉庭空遶折殘枝

鄭谷

芳尊有酒無人共

趙嘏

卧看南山改舊詩

韋莊

古城

東風漸急夕陽斜

朱鶴

馬上懷中盡落花

薛能

腸斷入城芳草路

韋莊

孤煙起處是人家

東坡

送行

天涯方歎異鄉身

韋莊

雲別青山馬踏塵

趙渭南

欲問孤鴻向何處

李商隱

依依還似北歸人

東坡

宮柳

寒食東風御柳斜

韓翃

輕盈嫋娜占年華

劉禹錫



試看三月春殘後

李山甫

不見人煙空見花

韓偓

### 對花

盡是劉郎去後栽

劉禹錫

為誰零落為誰開

嚴憚

風流才子多春思

戴叔倫

半醉開吟獨自來

高駢

### 宿橫望

遠上寒山石徑斜

杜牧之

月臨荒戍起啼鴉

高蟾

故鄉今夜思千里

高適

每到花時不在家

張祜

### 妓為尼

無地無媒只一身

趙渭南

蛾眉畫出月爭新

高駢

春來削髮芙蓉寺

楊巨源

從此蕭郎是路人

崔郊

新居

每憶雲山養短才

雍陶

蓬門今始為君開

杜子美

落花寂寂黃昏雨

韋莊

依舊去年雙燕來

趙渭南

寒食野外

浮雲飛盡日西頽

韋檢

莫向花前泣酒杯

趙嘏

獨上郊原人不見

成文幹

野風吹起紙錢灰

吳融

贈別

綠柳纔黃半未勻

楊巨源

灞橋攀折一何頻

皇甫冉

相逢且莫推辭酒

白樂天

明日忽為千里人

劉禹錫

柳

還到春時別恨生

張泌

渭城朝雨浥輕塵

王維

自家飛絮猶無定

羅隱

不解迎人只送人

皇甫冉

惜春

自有林亭不得閑

溫庭筠

長安豪貴惜春殘

東坡

晚來風起花如雪

劉禹錫

為問無情歲月看

高蟾

春望

半似羞人半忍寒

韓偓

風和時拂玉欄干

段成式

門前不見歸軒跡

錢起

強把花枝冷笑看

張祜

寒食夜雨

風景依稀似去年

趙渭南

鳥啼花發柳含烟

顧況

夜深斜搭鞦韆索

韓偓

獨向簷牀看雨眠

雍陶

早行

一聲歌盡各東西

趙渭南

花外煙濛月漸低

陸龜蒙

馬上政吟歸去好

韋莊

山山樹裏鷓鴣啼

張籍

過友人別墅

少游京洛共紅塵

李益

依舊瓊林照映人

山谷

且向白雲求一醉

戴叔倫

麻衣草坐亦終身

靈澈

不遇

來往風塵共白頭

戴叔倫

誰人肯向死前休

韓退之

直教桂子落墳上

賈島

富貴何嘗潤髑髏

山谷

又

豈有文章動聖君

丁謂

欲將書劔學從軍

溫庭筠

平生名利關身計

翁綬

執戟官資笑子雲

孫僅

隱居

此去秦關路幾多

李商隱

中原無鹿海無波

吳融

荷蓑不是人間事

李涉

造物小兒如子何

東坡

訪隱者不遇

忽聞春盡強登山

李涉

却笑孤雲未是閑

施肩吾

惆悵仙翁何處去

高駢

尋真不見又空還

韋應物

懷韓居士

烏巾年少歸何處

姚合

陵谷依然世自移

李涉

上天下地鶴一隻

高駢

還在人間人不知

東坡

古道人

鶴骨飄飄紫府仙

東坡

香風引到大羅天

牛僧孺

無人寂寂春山路

李羣玉

洞在清溪何處邊

張顛

遊仙

霧為襟袖玉為冠

韓偓

委佩低簪彩仗間

劉禹錫

上界真人足官府

韓退之

不如歸去舊青山

東坡

李道者

麻衣年少雪為顏

施肩吾

聞說經旬不啟關

韓偓

弄玉已歸蕭史去

趙嘏

洞門深鎖碧窓寒

高駢

仙廟

桂冷松香十里間

康求

水晶如意玉連環

李商隱

年年笑伴皆歸去

盧綸

門對寒流雪滿山

韋應物



又

殿臺渾不似人寰

唐永

花態嬌羞月思閑

李涉

高坐寂寥塵漠漠

劉禹錫

秋風落葉滿空山

謝皎然

女仙臺

上青真子玉童顏

李涉

石座苔花自古班

王禹偁

雲雨今歸何處去

竇庠

受人祭享占人山

郭震

聽琴

蟬鬢慵梳倚帳門

劉卓

抱琴花夜不勝春

趙渭南

不應更學文君去

李昌鄩

擬作梁園坐右人

劉禹錫

重九日

二十餘年別帝京

劉禹錫

可能朝市汙高情

韓偓

秋光何處堪消日

李益

漫遶東籬嗅落英

東坡

九日戲幕賓

一任斜陽送客愁

沈彬

邊鴻不到水南流

劉禹錫

自從身逐征西府

張祜

破帽多情却戀頭

東坡

晚菊

白露寒花自遶籬

羊士諤

從他桃李笑開遲

丹宗敏

一年秋色吟中過

沈彬

門外重陽過不知

齊己

十日對菊

籬菊香寒晚吹笙

孫僅

可憐榮落在朝昏

李商隱

浮生也共花無別

杜光庭

不受陽和一點恩

李山甫

梅

我今移爾滿庭栽

韋莊

不向東風怨未開

雍陶

回首看花花欲盡

高駢

北人初識越人梅

東坡

落梅

每到花時把酒杯

韓偓

暮天何處笛聲哀

趙渭南

縱然一夜風吹去

司空文明

不恨凋零却恨開

杜牧之

塞上

古溝芳草起寒雲

許渾

斷續鴻聲到曉聞

令狐楚

萬里江山今不閉

李益

死生同恨舊將軍

高駢

登樓

東池送客醉年華

呂溫

獨倚危樓四望餘

李九齡

日暮烏啼人散盡

吳融

輕風細雨落殘花

武元衡

### 花期不赴

雲泥豈合得相親

戎昱

還把閑吟慰病身

丁謂

一種是春長富貴

杜子美

有愁人有不愁人

來鵬

### 醉眠

糝暎楊花鋪白毡

杜子美

日西鋪在古苔邊

王建

滿山明月東風夜

韓偓

留與遊人一醉眠

鄭谷

### 山中偶得

棄擲功名脫履間

孫僅

東風吹雨過青山

盧綸

行人莫話金章貴

鄭谷

久許孤雲作往還

義先

夜飲

虛榻吟牕更待誰

王禹偁

酒無多少醉為期

東坡

明朝騎馬搖鞭去

楊憑

會有求閑不得時

王建

莊靖集卷六

欽定四庫全書

莊靖集卷七

金 李俊民 撰

樂府

洞仙歌

謝楊成之寄梅

隴頭瀟灑辜負尋芳眼  
浪蘂浮花問名懶縱看看驛使  
帶得春來祇恐怕綠葉成陰  
子滿暗香無恙否月落參  
橫惆悵羅浮夢  
覓短賴故人情重不減西湖花上月分  
我黃昏一半更選甚南枝與北枝  
是一種春風待爭寒

煖

又汴梁與計道真郭伯誠劉光甫同賦

百年富貴一覺邯鄲夢識破中流退應勇縱生前身後  
得箇虛名褒貶處一字由他南董故園歸去好還肯同  
歸大廈如今有梁棟對青天咫尺列宿森然君莫恠不  
見少微星動且拂袖林泉作詩人盡明月清風笑人嘲  
弄

又中秋



秋光海底湧出銀盤爛只怕微雲淡河漢料姮娥應笑  
醉舞仙人今夜裏空恁樽前撩亂尋常三五夜也有團  
圓爭奈人心未能滿記當初破鏡飛上天時雙照影留  
得人間一半待仗他玉斧再修成問明月明年共誰同  
看

瑞鶴仙

細君壽日

蕭然林下秀笑簷外梅花似人清瘦東風在垂柳筭幾  
時吹散眉間春皺興來搔首問今朝何處有酒怕一場

醉後漁歌樵唱大家拍手知否眼前合計無辱無榮地  
久天長不須肘後望懸他金印如斗待一朝隨我騎鯨  
去後共尋天上王母把碧桃花底流霞為君添壽

又壽李經畧生朝

曉窓寒氣悄問小槽滴後真珠多少博山壽烟裊向百  
花頭上梅花開了金樽頻倒甚坐間猶恨盃小記去年  
今日大家同慶太平佳兆堪笑浮雲世事流水生涯南  
柯夢覺風光正好欲退時何似聞早把俗緣拋盡逍遙

林下青松長伴難老與鶴鳴立箇家風作千年調

又

綿綿仙種李有大道家風逍遙活計長庚見苗裔問如  
何謫在落花浮世麴生風味為喚回席上和氣被誰人  
說破黃糧夢裡一場富貴何濟不如歸去樂取閑身登  
山臨水衆人皆醉笑獨醒澤畔憔悴但從今管甚雲翻  
雨覆暫教心上無事且一杯盡後一杯滿百千歲

又

沁南守劉巨源誕節十月十五

人生為郡樂推拯俗仁懷濟時英畧和風散蓮幕把功名一事暫宜高閣興來自酌要酒澆胸次磊落比月中玉兔別有長生安心是藥休錯早還識破一夢南柯宦情漸薄北山素約試回首千岩萬壑況竹林當日七賢遊處物外驂鸞駕鶴在爛柯局畔樵人看君下著

又 錦堂壽日壬寅十一月十五

河東賢太守使草木生光太行增秀功名落誰後醉歸來馬上氣衝牛斗一陽應候看春風先到細柳笑座中

有客侯輕萬戶詩誇千首依舊桂花盈處  
莫葉圓時為君添壽滿堂飲酒盡平生  
傾蓋素友對水雲鄉裡真山面目錢家  
誇甚錦繡但年年歲歲相逢似人耐久

酹江月

壬午中秋與楊外郎仲朋姪壻郭仲進姪謙甫福昌待月

中庭待月正催詩雨過暮山橫碧別後連昌秋幾度一  
話團圓今夕萬里清風闕中為我掃盡雲踪跡冷光不  
似尋常此小窺隙應憐白髮功名倚樓看鏡惟酒澆愁  
得且鬪樽前身見在疊疊風生談席洛下仙舟闕間星

使邂逅非生客天涯雙桂廣寒誰念幽寂

又 六月十四日感舊先生誕日

臞仙風格暫天教作箇人間浮客白髮光陰催老境誰  
見摩挲銅狄揮劍成河曳戈却日著盡回天力黃梁夢  
覺轉頭一段陳跡休問花謝花開春蘭秋菊總被風欺  
得華表鶴來人換世惟有眼前山色偎徑栽松傍門插  
柳笑比陶彭澤晚涼月下一樽聊永今夕

又 承濟之和復用元韻

脫巾挂壁向崔羅門外幾回迎客縱有一樽陶寫後不  
遇當年儀狄未著祖鞭先投班筆老恨無才力天涯地  
角斷蓬流落蹤跡歸去作箇閑人錦囊詩句都向閑中  
得謾說他鄉光景好多少世情風色損友違三益朋近  
五易卦占山澤人間星聚不知天上何夕

又 王懷州壽日丁酉年

堂堂玉立看坐間揮塵風生談席相對竹林三四友氣  
壓蘭亭豪逸招隱詩中登樓賦內此恨無人識缺壺歌

後佩刀還向誰得何用三窟謀身醉鄉一笑與元規塵  
隔好在朝川堪畫處寫出高人椽筆雲外烏鳬月邊笙  
鶴邂逅騎鯨白蟠桃會上不為王母生客

摸魚兒

送姪謙甫出山

這光景能消幾度大都數十寒暑結廬人在山深處萬  
壑千巖風雨朝復暮甚不管堂堂背我青春去高情自  
許似野鶴孤雲江鷗遠水此興有誰阻功名事休歎儒  
冠多誤韓顛彭蹶無數一溪隔斷桃源路只有人家雞



黍歌且舞更不住醉中時出烟霞語暫來樵斧貪看兩  
爭碁人間不道俯仰成今古

謁金門

贈教授李勉之

初雨歇槐夏綠陰時節萬里無雲天紺滑一輪光皎潔  
好怕暫高還歿好怕暫圓還缺同是廣寒宮裡客相逢  
無話說

又和邦直

烟雨曉夢斷池塘春草坐上麴生風味好銀杯休厭小

剛要玉山醉倒社甕釀成微笑人世閑愁都占了有情  
天也老

昏又曉蝶夢不棲芳草照映瓊林人物好薰香荀令小  
不怕醉時健倒恐怕醒時花笑潘髻都因愁白了老人  
心未老

西齋得梅數枝色香可愛一日為澤倅崔仲明  
所竊去感歎不已因賦謁金門十二章以寫  
其悵望之懷

寄梅

開未徹先把一枝偷拆看取黃昏今後別暗香浮動月  
誰為尋芳時節誤了前村踏雪為問花間能賦客如何  
心似鐵

探梅

誰便道昨夜雪中開了次第不將消息報探芳人草草  
宜在嫩寒清曉興比孤山更好籬落逢花須醉倒惜花  
人易老

賦梅

金的燦猶帶枝頭寒色休道北人渾未識自然梅有格  
初見花時摘索再見花時狼籍詩句眼前拈不出惱人  
樓上笛

歎梅

頻點檢依舊雪肌清減似恨海東花使濫不教么鳳探  
休笑詩人冷淡道盡影踈香暗桃杏雖然無藻鑑承當  
應不敢

慰梅

誇獨秀動把春光泄漏誰道江南無所有一枝先入手  
須是日就月將那在風飄雨驟直待豆稭灰落後初嘗  
山店酒

賞梅

全不讓占了百花頭上歿箇知音人共賞陶潛無處望  
也有江湖酒量也有風騷詩將休道花前無伎倆踈狂  
些子放

畫梅

偷造化秀出含章簷下為問花中誰可嫁海棠開已罷  
占了十分閑雅占了十分瀟灑若使畫工能此畫九方  
臯相馬

戴梅

花譜內莫作等閑看待鬪草吳王無可對有他西子在  
好在一枝竹外影也教人堪愛未免世間兒女態折來  
頭上戴

別梅

懷抱惡猶被暗香著  
莫想在隴頭誰領畧  
一枝分付錯  
今夜雲窓霧閣  
明夜烟村水郭  
紙帳天寒人寂寞  
夢回聞雪落

望梅

春一半留與大家同看  
覓箇溫柔林下伴  
北枝猶未煖  
縱有姮娥照管  
可惜羅浮夢短  
斷嶺不能遮望眼  
幾時魂却返

憶梅

多少恨不見舊時風韻  
浪蘂浮花都懶問江頭春有信  
誇甚壽陽粧鏡說甚揚州詩興  
雲破月來堪弄影世間無此景

夢梅

隨健步已過市橋江路費盡西湖多少句  
暗香留不住銷得黃昏幾度又是天寒日暮  
枕上吟魂無著處化為蝴蝶去



又再和邦直

人未曉古錦囊中詩草抹月批風滋味好氣吞雲夢小  
要把鳳棲驚倒不學烏臺嘲笑多少閑愁陶寫了數篇  
吟可老

又河南府同知高誠之壽

風漸力水剪飛花狼籍鼎沸笙歌催舉白玉堂金馬客  
歡動周人頌德喚起洛陽春色況值日南天道北老人  
星拱極

水龍吟

翟端甫壽日十月一日

勝遊漫說山陰。笑來不及山陽好。七賢林下一時人物，  
何如安道。況有奇才縱橫筆陣，千軍獨掃。向碧油幢底，  
真儒事業倚馬看檄書草。誰識平居隱操。  
翟湯遇江州十  
分禮貌。世情交態。雀羅門外，幾人曾到。且鬪樽前等閑  
休問。高山白早。賴姮娥留得一枝丹桂，伴靈椿老。  
為男  
孫哥在

又籌堂壽日

一朝衣錦歸來高門不負于公望恍然如舊黃流萬里  
大行千丈只此當時添些氣勢減些風浪記采薇戍罷  
分茅議定凱歌動聲悲壯元自山西出將却從他山東  
入相兇螫須待貂蟬換了凌烟畫像且把功名暫都分  
付淺斟低唱但年年看取三台長在老人頭上

阮郎歸 戲李子搢

江南江北水連雲江山憔悴人華簪猶拂洛陽塵離筵  
何太頻歌近耳酒盈樽樽前見在身昨朝罵坐灌將軍

近前丞相嗔

又

楊彥明壽日壽堂之甥

年來宅相有誰承人誇似舅甥帶牛佩犢盡春耕菟裘  
了一生閑事業寄丹青筆端如有神試看自寫鏡中真  
老人南極星

又

郭延年誕日

斷蓬蹤跡去依劉試登王粲樓此心安處即菟裘尚何  
來往求詩遣興酒消愁竹林多勝遊與君何日共仙舟

相看應白頭

感皇恩

楊成之生朝四月初三日

啼鳥怨春歸一聲聲切  
冀英初生兩三葉征鞍何處  
撩亂楊花如雪鵲聲頭上  
喜來時節香篆半銷壽波重  
酌玉帶金魚坐中客幕天  
席地便是仙家日月試從  
今後數蟠桃結

又

李子楷壽日戊申年甲乙科第

甲乙占科名同根仙李富貴  
南柯夢相似天涯雙桂慙

愧廣寒宮裡忽忽歸去覓佳山水休話升沉休形慍喜  
且論南華養生理問君甲子少我行年一紀須知鄉黨  
禮莫如齒

又 出京門有感

忍淚出門來楊花如雪惆悵天涯人離別碧雲西畔舉  
目亂山重疊據鞍歸去也情淒切一日三秋寸腸千結  
敢向青天問明月算應無恨安用暫圓還缺願人長似  
月圓時節

滿江紅 孟洲長馮巨川誕日

解慍風來天氣爽，綠陰庭院多少話。暫都分付畫梁雙燕，明月欲隨人意，滿十分未慍。姮娥願但一年一度壽觴時，身長健，玲瓏曲低低唱。玻璃盞深深勸，任春紅吹上桃花人面，簪履盡居彈鋏下。烟嵐休恨平嵩遠，待試看南極老人星，今朝見。

又 和張文玘

宿酒纔醒聽喚起，一聲春曉無限恨。滿城風絮一川烟。

草年少拋人容易去萬紅千紫都開了試但教頭上插  
花枝花應笑狂言在人絕倒狂藥盡愁難掃待叮嚀囑  
付再來青鳥團扇不堪題往事斷絃惟恨知音少但時  
時頻把鏡來看人將老

又

名利場中愁過了幾多昏曉試看取江鷗遠水野麋豐  
草世事浮雲翻覆盡此生造物安排了但芒鞋竹杖任  
蹉跎狂吟笑樽有酒同誰倒花滿徑無人掃念紅塵來



往倦如飛鳥懶後天教閑處著坐間人比年時少向太  
行山下覓菟裘吾將老

又 李孝先壽日四月八日

小雨初晴風搖蕩綠陰清晝見說道長庚復向人間鍾  
秀又對上番成竹筍能忘贈別垂條柳看將來三五月

圓時人如舊

時東平  
取前妻

浮世事君知否春夢斷空回首笑

平生豪邁氣沖牛斗幽鳥自歌無譜曲飛花故送長生  
酒待騎鯨海上再相逢為君壽

又 詠雪

漠漠愁陰銀界曉浩然一色誰剪水就中撩亂燕山如  
席天若有情天也老高山底事頭先白甚教人錯恨五  
更風花狼籍寒欲退劉義筆深欲歿韋郎膝問何如江  
上孤舟簑笠君不見過門多惡客等閑踏破瓊瑤迹便  
簷豪下馬坐人牀尋歡伯

婆羅門引

重陽與元帥實子溫暨衆友東城賞菊即席賦

浮空霽色江涵秋影鴈初飛相逢共遠東籬點檢樽前

見在人似曉星稀對滿山紅樹葉葉堪題大家露頂任  
短髮被風吹只恐黃花人貌不似年時盃添野水更何  
用頻頻望白衣沉醉後攜手方歸

清平樂

壬申歲六月十四日

滿斟綠醕勸我千金壽不住光陰催老醜三十七年回  
首鏡中白髮無多缺壺安用長歌有志封侯萬里列仙  
不柰懼何

又 錦堂壽

青雲得路休嘆功名誤好在輞川堪畫處聞早抽身歸  
去任他千丈風波光陰著酒消磨識破落花浮世笑看  
金狄摩挲

本作抄

又閨重九宋翔卿席

黃花今後纔是秋光暮依舊滿城風又雨勾引錦囊詩  
句東籬尚可重遊羨君來往風流莫惜樽前健倒這回  
節去蜂愁

又戲贈

城南歸路信馬隨車去家在白雲樓下住簾幙深沉庭  
戶不論天上人間到頭此債須還一枕行雲夢覺小樓  
却似巫山

南鄉子

李克紹生朝

來往亦風流曾伴仙翁衣錦遊聞道長平朱紫地西樓  
依舊人人說故侯能得幾春秋未必靈椿老便休自有  
枝枝丹桂在何憂寶月忙催玉斧修

又

上夫人壽日

香靄博山爐羅綺森森奉燕居畫錦歸來冠蓋里當時  
曾拜金花大國書一旦得雙珠阿大中郎喜有餘見說  
上天雖富貴爭如平地仙家碧玉壺

又 錦堂壽日

弓劍不離身唾手功名馬上成見說人生為郡樂班春  
政事如棋局局新熊夢慶佳辰喜動山城擊壤民畫錦  
堂前爭獻壽留賓盡是蟠桃會上人

又 錦堂碧落壽席

爽氣逼人相對溪堂雪後山  
賴有忘年林下友盤桓  
都把功名付等閑盡道好休官  
沉在黃柑紫蠟間天意  
不隨人意改平安愁莫能侵鏡裏顏

太常引

崔齊明生日

太行千里政

關

問何處是黃堂遺愛幾時忘試聽取

人歌召棠烏衣年少插花躍馬休負好風光  
三萬六千場但暮暮朝朝醉鄉

又寶君瑞壽日

燕山勲烈有餘光  
問丹桂幾枝芳  
陰德後來昌  
但教子應須義  
方功名看破黃冠野服  
林下道家裝  
何處是仙鄉  
這日月閑中最長

又劉君祥壽二月十五日

區區州縣肯徒勞  
誰得似卯金刀  
一笑醉蟠桃  
問何處仙山可巢  
兩朝人物積年陰德  
心力過蕭曹  
門戶便須高看  
今後君家鳳毛

西江月 籌堂壽



落落瓊林人物飄飄鶴氅仙風渡江已後見英雄那在  
懸刀一夢霧恰山中隱豹雲還天上從龍太行直枕大  
河東猶比聲名不重

又

裴節使壽字懷誠

薦疏李誇精鑒垣壻佳韋得賢侯寬手如霹靂在同州  
珽之不讓當時談藪顏但可稱為勁草譚莫教指作清  
流樞歸來綠野任沉浮度這箇家風耐久炎

又

張堂臣壽日

人比當年楊柳六郎元似蓮花漁經獵史是生涯那羨  
章臺走馬鱸膾未歸夙駕斗牛尚客星槎直教三戰過  
崔家伴取赤松林下

又答亞之

漠漠烟生碧樹溶溶水滿芳溪東風吹濕落花泥忙殺  
營巢燕子百字詩慙我寄一壺酒望君攜休將閑事等  
閑題且把眉頭放起

鵲橋仙

段侯壽日

題橋志氣沉碑勲業不在著鞭人後浮雲富貴轉頭空  
似一夢南柯太守輞川別墅平泉小隱此計地長天久  
金章還肯換簑衣買陂塘旋栽楊柳

又

劉君祥壽癸卯二月十五日

歲方值卯斗方指卯卯月月圓時候大家來把卯時盃  
共與箇卯金為壽一盃壽酒一盃貴酒更有一盃富酒  
一盃留待賀添丁見積善之家有後

點絳脣

重陽菊間小酌同申元帥等

秋樹風高可憐憔悴門前柳白衣去後閑却持盃手一笑相逢落帽年時友君知否南山如舊人比黃花瘦

又

錦堂壽日

馬上功名射鵰誰似將軍手一朝肘後金印懸如斗錦繡山川何似人長久閑中友為君添壽共勸忘懷酒

又

王懷州壽日戊戌十月一日

橫梢將軍是他馬上男兒事河山表裏養就英雄氣衣錦歸來占盡人間貴功名遂神仙平地學取留侯計

又 馮巨川南齋牡丹

花恨開遲為花遲後為花惱問花開了却恨花開早人  
貌年年不似花長好還知道年年人貌却笑花先老

又 酒贈車元帥


著甚乾忙人生只合糟丘老一盃軟飽從事齊能到不  
讀離騷恐怕愁難掃春光好醉時便倒何處無芳草

鷓鴣天 弔李克修

須信人生足別離此情惟有落花知方憂躍馬明年事

年四十二亡忽至黃楊厄閏期乙未七月二十六日閏

前生有限去何疑騎鯨公子賦成時得從上界真官府  
百計招魂不肯歸



壯靖集卷七